



Broj: 16-12-16-2-7712- 9 /15
I. Sarajevo, 13.11. 2015. godine

Na osnovu člana 8. Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tačka d) i člana 70. st. (1), (2), (4) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-7712/15 od 04.11.2015. godine, u postupku javne nabavke opreme za dektiviranje eksplozivnih naprava za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za Lot 1 i poništenju postupka za Lot 2 i Lot 3 po konkurentskom zahtjevu za dostavljanje ponuda za javnu nabavku opreme za deaktiviranje eksplozivnih naprava

Član 1.

Prihvata se preporuka Komisije za provođenje postupka nabavke broj 16-12-16-2-7712/15 od 04.11.2015. godine i ugovor o javnoj nabavci opreme za deaktiviranje eksplozivnih naprava za Lot 1 - nabavka jednog detektora mina/bombi dodjeljuje se ponuđaču „SHOT“ d.o.o. Zenica, ponuda broj 16-12-16-2-7712-7/15 od 12.10.2015. godine, za ponudenu cijenu od 15.250,00 KM bez uračunatog PDV-a;

Član 2.

Poništava se postupak javne nabavke opreme za deaktiviranje eksplozivnih naprava za Lot 2 - nabavka jednog specijalizovanog kompleta alata za KDZ i jednog kontejnera/posude za prenos NUS/MES i za Lot 3 - nabavka 14 komada zaštitnih antistatičkih odijela.

Član 3.

Ponuđač iz člana 1. ove odluke obavezan je ugovornom organu dostaviti dokaz o ispunjavanju uslova iz tačke 3.1.1. i 3.1.3. Konkurentskog zahtjeva (orginal ili ovjerena kopija).

Član 4.

Prijedlog ugovora dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 5.

Za izvršenje ove odluke zadužuje se Sektor za materijalno-finansijske poslove.

Član 6.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 7.

Ova odluka stupa na snagu danom donošenja.

O b r a z l o ž e n j e

Postupak javne nabavke opreme za deaktiviranje eksplozivnih naprava za potrebe Državne agencije za istrage i zaštitu (u daljem tekstu: Agencija) pokrenut je Odlukom broj 16-12-16-2-7712-1/15 od 29.09.2015. godine. Predmet javne nabavke podijeljen je na lotove, kako slijedi:

- Lot 1- nabavka jednog detektora mina/bombi procijenjene vrijednosti 15.300,00 KM bez uračunatog PDV-a;
- Lot 2 - nabavka jednog specijalizovanog kompleta alata za KDZ i jednog kontejnera/posude za prenos NUS/MES procijenjene vrijednosti 2.700,00 KM;
- Lot 3 - nabavka 14 komada zaštitnih antistatičkih odijela procijenjene vrijednosti 10.200,00 KM bez uračunatog PDV-a.

Postupak javne nabavke proveden je putem Konkurentskog zahtjeva, za koji je obavještenje o javnoj nabavci objavljeno na portalu javnih nabavki broj 1161-7-1-923-3-27/15 od 01.10.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-7712/15 od 04.11.2015. godine sa preporukom o izboru najpovoljnijeg ponuđača u postupku javne nabavke opreme za deaktiviranje eksplozivnih naprava.

Obzirom da je tačkom 6. Konkurentskog zahtjeva navedeno da je rok za dostavljanje ponuda 12.10.2015. godine do 13,00 sati, te da se ponude dostavljaju u zatvorenoj koverti, Komisija je dana 12.10.2015. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno dvije ponude i to:

Redni broj	Naziv ponuđača	Lot	Vrijednost ponude (bez PDV-a)
1.	“ATEX” d.o.o.Sarajevo	Lot 1	14.980,00 KM popust od 1.000,00 KM uračunat u cijenu ponude
		Lot 2	3.700,00 KM popust u iznosu od 1.000,00 KM uračunat u cijenu ponude
		Lot 3	14.868,00 KM popust u iznosu od 1.652,00 KM uračunat u cijenu ponude

2.	"SHOT" d.o.o. Zenica	Lot 1	15.250,00 KM
		Lot 2	28.000,00 KM
		Lot 3	10.150,00 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđač "ATEX" d.o.o. Sarajevo ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, predviđene Konkurentskim zahtjevom, s tim da navedeni ponuđač ne ispunjava formalno-pravne uslove predviđene Konkurentskim zahtjevom. Takođe, Komisija je utvrdila da ponuđač „SHOT“ d.o.o. Zenica, ispunjava kvalifikacione i formalno-pravne uslove predviđene Konkurentskim zahtjevom.

Tačkom 4. Konkurentskog zahtjeva traženo je da ponuda, svi dokumenti i prepiska u vezi sa ponudom između ponuđača i ugovornog organa moraju biti napisani na jednom od službenih jezika koji je u upotrebi u Bosni i Hercegovini. Prateća dokumentacija i štampana literatura koju dostavi ponuđač mogu biti napisani na drugom jeziku u međunarodnoj upotrebi, pod uslovom da se uz njih dostavi zvanični prevod relevantnih dijelova na jeziku na kojem je napisana ponuda. Takođe, Konkurentskim zahtjevom je traženo da ponuđači za ponudenu opremu dostave tehničku dokumentaciju i sertifikat NFPA (američki) ili EM1149 (evropski) ili drugi ekvivalentni dokaz izdat od strane institucija nadležnih za kontrolu zahtijevanog kvaliteta, koji potvrđuje da su ponudena antistatička odijela izrađena od specijalnih materijala koja ne gore i ne stvaraju statički elektricitet.

Uvidom u dostavljenu ponudu ponuđača "ATEX" d.o.o. Sarajevo Komisija je utvrdila da je navedeni ponuđač traženu tehničku dokumentaciju i sertifikat dostavio na engleskom jeziku, bez prevoda na jedan od zvaničnih jezika koji je u upotrebi u Bosni i Hercegovini. Cijeneći navedeno ponuđač "ATEX" d.o.o. Sarajevo nije dostavio ponudu u skladu sa tačkom 4 Konkurentskog zahtjeva, zbog čega ponuda navedenog ponuđača nije dalje razmatrana.

Komisija je od Sektora za operativnu podršku tražila stručno mišljenje po pitanju zadovoljavanja postavljenih tehničkih uslova iz Konkurentskog zahtjeva za ponuđača „SHOT“ d.o.o. Zenica, koji ispunjava kvalifikacione i formalno-pravne uslove tražene Konkurentskim zahtjevom. Sektor za operativnu podršku je aktom od 14.10 i 28.10. 2015. godine dao mišljenje prema kome je ponuda ponuđača "SHOT" d.o.o. Zenica za Lot 1 - nabavka jednog detektora mina/bombi prihvatljiva zbog radnih karakteristika koje uključuju sondiranje i detekciju na većim dubinama, dizajna, servisne podrške i mogućnosti opcionalne nadogradnje, dok je ponuda navedenog ponuđača za Lot 2 i za Lot 3 neprihvatljiva iz razloga što u dostavljenoj ponudi za Lot 2 nema dokaza da se radi o antistatičkom alatu, dok ponuda za Lot 3 ne sadrži jaknu, koja je neophodna za obavljanje poslova u hladnijim vremenskim uslovima.

Nakon provednog postupka ocjenjivanja dostavljene ponude, uvažavajući dostavljena mišljenja Sektora za operativnu podršku, Komisija je utvrdila da je ponuda ponuđača „SHOT“ d.o.o. Zenica prihvatljiva za Lot 1 i da ista ne premašuje procijenjenu vrijednost nabavke, dok za Lot 2 i Lot 3 nije dostavljena niti jedna prihvatljiva ponuda.

Shodno navedenom, prihvaćen je prijedlog Komisije i odlučeno da se predmetni ugovor za javnu nabavku opreme za dektiviranje eksploziva dodijeli za Lot 1 ponuđaču "SHOT" d.o.o. Zenica, te da se poništi postupak javne nabavke za Lot 2 i Lot 3 shodno članu 69. stav (2) tačka d) Zakona, obzirom da niti jedna od dostavljenih ponuda nije prihvatljiva.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

